

QVÆSTIO MEDICA

CARDINALITIIS DISPVATIONIBVS MANE DISCVTIENDA.

IN SCHOLIS MEDICORVM, DIE IOVIS VIII. MARTII.

M. STEPHANO LE GAIGNEVR, Doctore Medico, Præsede.

Est-ne senibus studium contentius salubre?

QVISQVIS calorem ætate longâ, atque obruentium excrementorum copiâ extinctum penè ac languentem excitare nouit, huic vni certa constat ratio senectutis in iteritum ruentis sustinendæ, atque ex mediâ mortis viâ in meliorem vitæ cursum reuocandæ. Equidem tantum de se proficitur Medicus, nullius rei quæ ad senum corpus vel animum pertineat, non magnopere sollicitus, quinetiam plurimâ, quæ omnem retrò ætatem interdixerat, largitur senectuti, vt quater quotidie pasci, vino meraciore vti, aliâ lacte solo vesci, solidum diem insititio somno diffindere, denique medicus senibus author est corpusculi vbique mollissimè tractandi, et procul ab omni re molestâ et operosâ delicatè componendi. Sed cum se ille ad animum conuertit, quæ ex huius robore vel imbecillitate, quiete vel operâ, ex hac contentâ vel remissâ res senum imperitur et dirigit, immensum medicina discrepat. quia enim senes animum valentem ac firmum gerunt, nunquam ad inertiam, nunquam sine ijs quas callent literis dimittendi sunt; multò magis, ne mentem vnâ secum deorsum ducat iam inclinata nutantis domicilij compages, erigendi sunt ad sapientiam quam attingunt, et contentiori magnarum rerum studio extollendi, vt breue illud vitæ quod superest, illi benè agant et salubriter.

STVDIVM vehemens et assidua est animi ad rem aliquam magnâ cum voluntate applicatio, cuius modus suscipientis vtilitate, viribus magnitudo commetienda est. Hujus vtriusque rei cognitione, et vsu eligendis atque regendis hominum studijs medicina dominatur, sic nullius parcat industria, cuius vitam tuendam recipit, et libero atque expedito animo, ne ægris quidem concedit, vt illiterato jaceant in orio, et doctis ad lectulum tantum sedentibus. Atramen moderandâ cuiusvis operâ, nihil ars vel ad præsentem vel ad futuram valerudinem obtinere possit, posthabita ætatis ratione, in quâ omnia sunt ad incitandum vel ad remittendum studium momenta, pueri vel remissis studijs vires addunt menti et corpori, in iuvene paulò magis diù intentâ cogitatio valentissimæ exercitationis vices implet, pari in bonam vel malam partem successu, maturis ætate viris sæpè magno consistit repositis studijs molles annos agere, quorum intererat ad meliorem et diuturniorem vitæ spem studia vel intendere, vel nunquam remittere, senibus desidibus et oriosis ætas ipsa morbus est, et nullis *μελαγχολώντων* symptomatis non obnoxia. Nescis qui fatis et atrâ bile imminetibus studia refugis, aut in susceptis vt pigrescere ætatem obrendis, quàm scitum illud sit, et aduersus morbos à corpore in animum ingruentes conueniens, discendo velle senem fieri.

IN studiosâ senum contentione, quæ bona! Cùm animus, quem verè liberum et tranquillum sola senectus et studia efficiunt, omni curâ solutus, anquirendis rebus sese acrius intendit, confestim calor mentis regiam blandius occupat, quam cum vniuersam purior collustravit, hinc ad singulos sensus extendit atque exporrigit vim suam, et bene curatâ illorum acie, fideles sibi comparat rerum internuntios, iam optima cerebrum temperies, et Heracliteam viciatorem adepta spiritus profert tenuissimos, purissimos, atque æthereæ lucis magis participes: illud verò excrementorum et caliginis, quod cerebrum vel sensuum organa collegere, tendum studium momenta, pueri vel remissis studijs vires addunt menti et corpori, in iuvene paulò magis diù intentâ cogitatio valentissimæ exercitationis vices implet, pari in bonam vel malam partem successu, maturis ætate viris sæpè magno consistit repositis studijs molles annos agere, quorum intererat ad meliorem et diuturniorem vitæ spem studia vel intendere, vel nunquam remittere, senibus desidibus et oriosis ætas ipsa morbus est, et nullis *μελαγχολώντων* symptomatis non obnoxia. Nescis qui fatis et atrâ bile imminetibus studia refugis, aut in susceptis vt pigrescere ætatem obrendis, quàm scitum illud sit, et aduersus morbos à corpore in animum ingruentes conueniens, discendo velle senem fieri.

SENECTVS humanæ pars optima vitæ, homini inter animantes longissima concessa fuit, vt diuino rationis munere vti melius et diutius posset. Est enim propria senilis ætatis sapientia, id est, perfectâ et consummata ratio. Hanc autem in homine perfectionem atque absolutionem natura diuturniorem desiderans, his partibus non inclusit, quarum vis ætate atteri atque infringi posset, sed solo complexa est cerebro, et reliquâ, quæ in eo plurima est, rationis supellectile, quæ quidem ijs qui studijs infenscunt, magis ac magis nitescit, et seris semper venit melior ab annis. Eddem si accedat illa, quæ mentis organa nitescit et vsu longo corroborauit longa et multiplex rerum meditatio, et tum cum plurimum profuerit, contentius ineat, tunc animus intentione suâ facili depellet pressum omnem corporis, tamen annis ingrauescentis, auertit verò illam tarditatis labem quæ ferè senectutem vrget, nullo suo, aut cerebri proprio, sed solo inferiorum partium vitio, atque vitæ antecæ culpâ. Hinc enim plerisque in hominibus lumen rationis extinctum occidit, at certo certius saluum integrumque seruauissent literæ extremam ætatem secutæ.

MAGNIFICA res est studiosa senectus, expressis et solidis splendet bonis, sapientiâ et valitudine, in cæteris ætatibus ambæ rarò conueniunt; nam opimo aut teneriori corporis in habitu vel impar sapientiæ animus, vel instabilis valerudo. quidquid senibus simile impendat, distentum ve pinguedine abdominis si acumen ingenij obrundat, aut morbis quibus factum est, subnascentibus indicat frequens studiis iustitiam, res parata est. nouas artes senes excolant, et in addiscendis sese sedulo exerceant, statim intelligent, quæ aequaliculi moles deiici, et mens exacui possit: exaruit ætate corpus, et iniolenti macilentia squalescit, in bibliothecam illi se abdant, seria et seuera studia delicatis ac mitioribus nonnunquam attemperant, quietis ac sedentibus iam redibit habitior valerudo. Sed studiosis sicuti aliis sæpè improuisa senectus obrepit, et incogitantes, ni Medicus videat, mox oppresserit tussis, anhelitu, virium infirmitate, mentis et sensuum stupore ac tarditate. Hæc omnia partim præscinder, si adueperint, partim molliet, si vrgeant, sapientia studio & labore quaesita. Non desunt, qui senectutem vnâ et perpetuam inualerudinem perulerint, in intento studijs animo. Nam manent vires senibus, quidquid corpus animus. ve poposcerit responsuræ, manent ingenia, modò permaneat industria et studium.

Ergo senibus studium contentius salubre.

Afferebat Lutetiæ CAROLVS MARTEAV, Laudunæus, A. R. S. H. M. D. C. LXIII.